

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-14438/25
Sarajevo, 25.7.2025. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Izvođenje radova na izgradnji rampi i nadstrešnica za invalidna lica

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na izgradnji rampi i nadstrešnica za invalidna lica, broj obavještenja 422-1-3-70-3-99/25 objavljeno na Portalu javnih nabavki BiH dana 16.6.2025.godine i u “Službenom glasniku BiH” – Oglasnik javne nabavke broj 37/25 od 20.6.2025.godine, dodjeljuje se ponuđaču „Sela“ d.o.o. Sarajevo sa ponudom u iznosu od 111.038,55 KM bez PDV-a, odnosno 129.915,10 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-14438/25 od 13.6.2025.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji rampi i nadstrešnica za invalidna lica, broj obavještenja 422-1-3-70-3-99/25 objavljeno na Portalu javnih nabavki BiH dana 16.6.2025.godine i u “Službenom glasniku BiH” – Oglasnik javne nabavke broj 37/25 od 20.6.2025.godine. Procijenjena vrijednost nabavke je 111.111,11 KM bez PDV-a, odnosno 130.000,00 KM sa PDV-om.

Zapisnikom o otvaranju ponuda od 07.7.2025. godine Komisija je konstatovala da su u predviđenom roku u propisno upakovanim kovertama pristigle dvije (2) ponude ponuđača:

1. ZZ “Gros-comp” p.o. Hadžići
2. „Sela“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je konstatovala da dostavljena ponuda ponuđača ZZ “Gros-comp” p.o. Hadžići ne ispunjava kvalifikacioni uslov tražen u tenderskoj dokumentaciji iz 4.7.2. - *Garancija za ozbiljnost ponude koja se dostavlja na sljedeći način:*

- originalna bankovna garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja; plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude. Ponuđač je dostavio garanciju za ozbiljnost ponude na stranici broj 37. ponude, međutim ista nije dostavljena na način opisan u navedenoj tački tenderske dokumentacije, naime bankovna garancija je zatvorena naljepnicom ali na naljepnici nije otisnut pečat ponuditelja kako je to traženo navedenom tačkom.

Takođe Komisija je konstatovala da ponuđač ne ispunjava uslov iz tačke 3.4.1. (c) tehnička i profesionalna sposobnost – da je ponuđač opremljen neophodnom mehanizacijom za obavljanje predmetnih radova: prevozno sredstvo kamion nosivosti do 5t i mašina za iskop i istovar, a tačkom 3.4.2.a) propisano je da se kao dokaz o obezbijeđenosti opreme neophodne za obavljanje predmetnih radova dostavlja: za kamion se dostavlja važeća saobraćajna dozvola (original ili ovjerena kopija); Za radnu mašinu dostaviti važeću saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. Ukoliko ponuđač nije vlasnik tražene mehanizacije, neophodno je dostaviti ugovor o iznajmljivanju (original ili ovjerena kopija).

Komisija je konstatovala da je ponuđač kao dokaz da ispunjava tražene uslove dostavio sljedeću dokumentaciju:

- na stranici broj 30. ponude dostavljen je Ugovor o poslovnoj saradnji za korištenje teretnog vozila marke MAN H21 registarskih oznaka M08-A-379,

- na stranici broj 31. ponude dostavljen je Ugovor o poslovnoj saradnji za radnu mašinu Massey Ferguson,

- na stranici broj 32. ponude je dostavljena ovjerena kopija saobraćajne dozvole za kamion MAN H21 dopuštene nosivosti do 13.520kg,

- na stranici broj 33. ponude je priložena ovjerena kopija važeće saobraćajne dozvole za višenamjensku radnu mašinu Massey Ferguson.

Komisija konstatovala da ponuđač nije dokazao obezbijeđenost tražene mehanizacije i opreme neophodne za obavljanje radova koji su predmet nabavke jer nije dostavio dokaz o posjedovanju ili ugovor o iznajmljivanju kamiona nosivosti do 5 tona, koji je tražen navedenom tačkom tenderske dokumentacije.

Iz naprijed navedenih razloga utvrđeno je da je ponuda ponuđača ZZ "Gros-comp" p.o. Hadžići ne ispunjava uslove tražene u tenderskoj dokumentaciji iz tački 3.4.1. (c) tehnička i profesionalna sposobnost i 4.7.2. - Garancija za ozbiljnost ponude i te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Komisija je pristupila analizi i procjeni dokumentacije preostalih ponuda te konstatovala da dostavljena ponuda ponuđača „Sela“ d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da je ponuda računski ispravna.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem „Sela“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik

mr. Semir Efendić